

նը, որի լիազոր ներկայացուցիչ Ռոստոմ Զօրեանը Թիֆլիսից մեկնել էր Սթոկհոլմ՝ նախօրօք բաժին ունենալով Պետրոզբաղի խորհուրդների և ընկերվարական շրջանների նախապատրաստական աշխատանքներում: Պետրոզբաղի Բան. և Զին. խորհուրդը իր պատերազմական համար մշակած հրահանգներում գրել էր և Թիւրքահայաստանի ինքնավարութեան պահանջը:

Հ. Յ. Դաշնակցութիւնը կազմակերպիչ մարմնին ներկայացրեց մի ընդարձակ յուշագիր, որի մէջ մանրամասնօրէն նկարագրում էր հայերի վիճակը պատերազմի նախօրեակին ու պատերազմի ընթացքին, հայկական տեղահանութիւններն ու կոտորածները, և ձեւակերպում հայկական պահանջները — «Ռուսահայաստանը Վրաստանի և Թաթարստանի (Անդրկովկասի) հետ պէտք է լինի ինքնավար՝ դաշնակցական ու հանրապետական Ռուսաստանի ծոցում»: Թիւրքահայաստանը պէտք է ազատագրւի Թիւրքական տիրապետութիւնից. «Ազատ Հայաստանը բովանդակելու է հայկական 6 վիլայէթները և Կիլիկիան. ի բաց առեւալ 1877-78 թւականների պատերազմից յետոյ հայկական նահանգներին միացած մահմետական շրջանները»: «Հայաստանի չէզոքութիւնը պէտք է երաշխաւորուի միջազգայնօրէն», «Թիւրքական կառավարութիւնը պէտք է հատուցանի հայերի վնասներն» և այլն:

Ինչպէս յայտնի է, Սթոկհոլմի խորհրդաժողովը դաշնակից պետութիւնների բացասական վերաբերումի և Ռուսաստանի ներքին ղէպքերի դարդացման հետեւանքով չզուգարեց: Հետաքրքրական է, որ իթթիհատական Թիւրքիան էլ ներկայացուցիչներ էր ուղարկել Սթոկհոլմ՝ Ն. Մասլիա էֆ. և դր. Հիւսէյին Չաղէ Ալի բէյ, որոնք իրենց յուշագրի մէջ, առանց որևէ ակնարկ անելու հայկական խնդրի մասին, «յանուն Թիւրք դեմոկրատիայի», պահանջում էին «ազգերի ինքնորոշման իրաւունք՝ առանց խտրութեան սպիտակ, դեղին ու սև ցեղերի միջև», «գաղտնի դիւանազիտութեան վերացում» և այլն*):

Հոկտեմբերեան յեղաշրջումից յետոյ խաղաղութեան գործը ստացաւ նոր ընթացք. բոլշևիկները դիմեցին անջատ հաշտութեան՝ յայտարարելով «եղբայրացման» սկզբունքը ռազմաճակատի հակառակորդ զինուորների հետ և պատերազմող կողմերին առաջարկելով անցնել անմիջական բանակցութիւնների: Այս քաղաքականութեան, ինչպէս և երկրի ներսը բռնկած անիշխանութեան ու քաղաքացիական կատաղի կռիւների հետեւանքով՝ սկսեց համատարած քայքայում ռազմաճակատում. զօրամասերը թողնում էին դիրքերը և հրացանը առած՝ շտապում ղէպի սուն, որպէսզի օր առաջ բաժին ստանան բոլշևիկների խոստացած «հողից ու բուրժուաների դոյքից»: Եւ Բալթիկ ծովից մինչև Քիրմանշահ, ամբողջ տարածութեան վրա, միլիոնաւոր զինւած մարդիկ՝ խուժեցին ղէպի թիկունք:

*) Սթոկհոլմի խորհրդաժողովին վերաբերող ամբողջ նիւթը հրատարակւած է առանձին հատարով. «Stockholm», Ed. Tidens Förlag, Stockholm, 1918, որի մէջ ամբողջովին զետեղւած է և Հ. Յ. Դաշնակցութեան յուշագիրը: